

AGINTARIAK ETA LANGILERIA

Oposaketak eta lehiaketak

LAN ETA JUSTIZIA SAILA

5635

AGINDUA, 2018ko urriaren 25ekoa, Lan eta Justiziako sailburuarena, Auzitegiko Medikuntzako Euskal Erakundeko lanpostu generikoak betetzeko, Auzitegiko Medikuen Kidegoarentzat lekualdatze-lehiaketarako deialdia egiten duena.

Honen bidez, lekualdatze-lehiaketarako deialdia egiten da Auzitegiko Medikuen Kidegoko funtzionarioentzat, I. eranskinean azaltzen diren Auzitegiko Medikuntzako Euskal Erakundeko lanpostu huts generikoak betetzeko, xedapen hauekin bat etorritz: Botere Judizialaren uztailaren 1eko 6/1985 Legeko 531. artikulua eta Justizia Administrazioako Funtzionarioen Sarbiderako, Lanpostu Hornikuntzarako eta Lanbide Sustapenerako Arautegia onartzen duen abenduaren 7ko 1451/2005 Errege Dekretuko 43. artikulutik 48.era artekoak eta 51.etik 53.era artekoak. Hona hemen deialdiaren oinarriak:

Lehenengoa.– Deialdiaren xedea.

Auzitegiko Medikuntzako Euskal Institutuko lanpostuen zerrendako lanpostu huts generikoak lekualdatze-lehiaketaren bidez betetzea da deialdi honen xedea da.

Deialdi honek, Botere Judizialaren uztailaren 1eko 6/1985 Lege Organikoak eta Justizia Administrazioako Funtzionarioen Sarbiderako, Lanpostu Hornikuntzarako eta Lanbide Sustapenerako Arautegia onartzen duen abenduaren 7ko 1451/2005 Errege Dekretuak zehazki aurreikusten ez dituzten kontu guztietan, funtzio publikoari buruzko legedi orokorra aplikatuko da.

Bigarrena.– Parte hartzeko eskakizunak eta baldintzak.

1.– Auzitegiko Medikuen Kidegoko karrerako funtzionarioek har dezakete parte lehiaketa honetan, destinoa edozein lurralde-eremutan daukatela, baldin eta eskabideak aurkezteko epea bukatzen den egunean deialdi honetan ezarritako baldintza orokorrak eta betekizunak betetzen badituzte. Lehiaketaren behin betiko ebazpena eman arte jarraitu behar dute baldintzak eta betekizunak betetzen.

2.– Auzitegiko medikuek parte hartu ahal izango dute lehiaketa honetan, baldin eta bi urte pasa badira mediku horiei behin betiko destinoa esleitu zien lekualdatze-lehiaketako deialdiaren ebazpena eman zenetik eskabideak aurkezteko epea bukatzen den egunera, edo, funtzionario sartu berrien kasuan, behin betiko destinoa esleitzeko ebazpena eman zenetik eskabideak aurkezteko epea bukatzen den egunera.

Urteak zenbatzeko, ebazpena eman zen urtea joko da egutegiko lehenengo urtetzat, ebazpenaren data kontuan hartu gabe. Bigarren urtea, berriz, egutegiko hurrengo urtea izango da.

Behin betiko destinorik ez duten funtzionarioek lehiaketetan nahitaez parte hartu behar dute indarrean dagoen araudiaren arabera, eta ez dute adierazitako denbora-muga bete behar.

Halaber, lehiaketa espezifikoko bidez edo izendapen askez lanpostu berezitu bat betetzen ari diren funtzionarioek parte hartu ahal izango dute lehiaketa honetan, baldin eta gutxienez urtebetez

jardun badute lanpostu horretan, jabetzan hartu zuten egunetik hasita (abenduarien 7ko 1451/2005 Errege Dekretuaren 54. edo 62. artikulua).

3.– Ezingo dute lehiaketan parte hartu:

a) Eginkizun-gabetze irmoa ezarrita dutenek, egoera horrek dirauen bitartean.

b) Interes partikularrengatik edo familia elkartzeko, borondatezko eszedentzian dauden auzitegiko medikuek, egoera horretan egoteko gutxieneko aldiak dirauen bitartean.

c) Nahitaezko lekualdatzearekin zigortuta daudenek. Zigorra ezarri zitzaizen herrian destinoa lortzeko lehiaketan ezin izango dute parte hartu urte bat edo hiru pasatu arte, hutsegitea larria edo oso larria izan den kontuan hartuta, hurrenez hurren.

d) Aurreko lehiaketetan destinoa lortu arren esleitutako destinoa jabetzan hartu ez dutenek.

Hirugarrena.– Eska daitezkeen lanpostuak.

1.– I. eranskinetako zerrendan azaltzen diren lanpostuak eskatu ahal izango dituzte parte-hartzaileek.

Lanpostu bakoitza hurrenkera-zenbakiaren bidez identifikatuko da.

2.– Lehiaketa honen ebazpenaren ondorioz hutsik geratzen diren lanpostu generikoak ere eskatu ahal izango dituzte. Lanpostu horiek erresulten zerrenda osatuko dute eta eskainitako lanpostu hutsei gehituko zaizkie, salbu eta lanpostuen zerrendak aldatzeko proiekturen bat dagoelako edo lantokiko langileak berriz antolatu behar direlako lanpostuak kendu nahi badira. Kasu horietan ez da erresultarik eskainiko kidego honentzat.

Erresulta bakoitza hurrenkera-zenbaki batekin identifikatuko da.

Eskatutako lanpostuak (I. eranskinetakoak nahiz erresultak) deialdiko hurrenkera-zenbakiaren bidez identifikatu behar dira. Lantoki bereko lanpostu bat baino gehiago eskatu nahi izanez gero, lanpostu bakoitzaren hurrenkera-zenbakia adierazi beharko da.

Egon litezkeen eskatzaileak lehiaketaren ebazpenaren ondorioz geratzen diren erresultak eskatzeko eskubideaz baliatu daitezten, jendaurrean jarriko da eskatzeko moduan dauden lanpostuen zerrenda, Euskadiko Justizia Administrazioaren webgunean (www.justizia.eus) eta Justiziako langileen atarian, agindu hau argitaratzen denetik hasi eta eskaerak aurkezteko epeak dirauen arte, lanpostu bakoitzaren hurrenkera-zenbakia adierazita.

3.– Parte hartzen duten auzitegiko medikuek, eskabidean zehazten dituzten hurrenkera-zenbakiak lehiaketa honetarako argitaratu diren zenbakiekin –I. eranskinetako zenbakiekin zein erresulten zenbakiekin– bat datozela egiaztatu beharko dute, kode okerrak jartzea saihesteko.

Lehiaketan parte hartzen duten auzitegiko medikuek, eskatzen dituzten deialdi-hurrenkera-zenbakiak eskainitako postuen izenarekin guztiz bat datozela egiaztatu beharko dute, eskabideak aurkezteko epea bukatu ondoren ez baita inolako aldaketarik onartuko egindako eskaeran, eta eskatutakoa esleitzuz gero ezin izango baita uko egin esleitutako postuari.

4.– Salbuespen gisa, lanpostu huts gisa iragarritako plazaren bat kendu ahal izango da, hori egitera behartzen duen zirkunstantziaren bat gertatzen bada.

5.– Erregistro Zibileko Medikuen Kidegotik datozen auzitegiko medikuei dagokienez, Epaila eta magistratuen erretiro-adina ezartzen duen eta Auzitegiko Medikuen Kidegoko hainbat mediku integratzen dituen azaroaren 20ko 7/1992 Lege Organikoak ezarritakoa bete beharko da.

Laugarrena.– Eskabideak eta dokumentazioa aurkeztea.

1.– Lehiaketa honetan parte hartzeko eskabideek agindu honetako II. eranskinean argitaratu-tako ereduarekin bat etorri behar dute eta eskatutako atal guztiak beteta aurkeztu beharko dira.

2.– Egutegiko hamar egun balioduneko epean aurkeztu beharko dira eskabideak, deialdi hau Estatuko Aldizkari Ofizialean edo Euskal Herriko Agintaritzaren Aldizkarian aldi berean argitaratzen denetik kontatzen hasita. Eskabideak Justizia Administrazioako zuzendariari zuzenduko zaizkio, Vitoria-Gasteizko, Donostiako eta Bilboko EATEko sarrera-erregistroan edo Eusko Jaurlaritzako Lan eta Justizia Saileko erregistro orokorrean (Donostia kalea 1, 01010 Vitoria-Gasteiz).

Deialdia bi aldizkari ofizialetan aldi berean argitaratzea ezinezkoa izanez gero, Estatuko Aldizkari Ofizialean argitaratutako datatik aurrera hasiko dira baldintzak eta epeak kontatzen.

3.– Administrazio Publikoen Administrazio Prozedura Erkidearen urriaren 1eko 39/2015 Legeak 16. artikuluan ezarritakoari jarraikiz ere bidali ahal izango dira eskabideak. Eskabideak posta-bulegoaren bidez aurkeztuz gero, eskabideak gutunazal irekian eraman beharko dira, bertako funtzionarioak, eskabidea ziurtatu aurretik, data eta zigilua jar diezazkion.

4.– Eskumenak bereganatuta dituzten autonomia-erkidegoetako organoetan destinoa daukaten funtzionarioek eskabidea erkidego horretako dagokion organoan aurkeztu behar dute; destinoa ministerioaren eskumeneko eremuan daukatenez, berriz, Justizia Ministerioan.

5.– Lehiaketa honetan parte hartzen duen funtzionario bakoitzak eskabide bakar bat egingo du, nahiz eta transferitutako eskumenak dituzten autonomia-erkidegoetako lurraldean dauden lanpostuak eskatu, eta transferitze horren ondorioz, gobernu autonomoek egindako deialdietan ere lanpostu horiek azaldu.

Parte hartzeko eskaera bat baino gehiago aurkeztuz gero, azkena baino ez da kontuan hartuko.

6.– Eskabideak aurkezteko epea bukatu ondoren, parte-hartzaileek ezin izango dute egindako eskaria deuseztatu edo aldatu.

7.– Eskabideak aurkezteko aldia bukatu ondoren, egindako eskaera loteslea izango da eskatzailearentzat.

8.– Eskabidearekin batera, agiri hauek aurkeztu behar dira:

a) Funtzionarioari jabetzan betetako azken plaza esleitu zion ebazpenaren fotokopia.

b) Eszedentzian dagoen lehiakideak, eszedentzia hartzeko baimena eman zion ebazpenaren fotokopia konpultsatua aurkeztu beharko du.

9.– Eskabidea jaso ondoren, azken destinoko organo eskudunak Auzitegiko Medikuen Kidegoan emandako zerbitzuen ziurtagiri original eguneratua emango du. Bertan, aldien banakapena zehaztuko da, hasiera-datatik (eguna, hilabetea, urtea) bukaera-datara arte (eguna, hilabetea, urtea). Ziurtagiria eskabideari erantsiko zaio.

Bestalde, hizkuntzengatik emandako puntuazioa adieraziko du langileen organo horrek eskabidearen goiburuan edo erantsitako orri batean. Halaber, funtzionarioak bere gaur egungo destinoan abenduaren 7ko 1451/2005 Errege Dekretuko 46. artikulua ezartzen duen legezko denbora badaraman adieraziko du (Justizia Administrazioako Funtzionarioen Sarbiderako, Lanpostu Hornikuntzarako eta Lanbide Sustapenerako Arautegia onartu zuen dekretu horrek), baita arau horretako 43.2 artikuluan aurreikusitako egoeraren batean dagoen ere.

Bosgarrena.– Baldintzapeko eskaerak.

Udalerrri, barruti judizial edo probintzia bererako iragartzen diren lanpostu hutsetarako interesa duten bi funtzionario badaude, eskaera baldintzatu ahal izango dute bi funtzionarioek udalerrri, barruti judizial edo probintzia berean destinoa lortzen badute; kontrako kasuan, bi funtzionarioek egindako baldintzapeko eskaerak baliogabetzat hartuko dira. Baldintzapeko eskaera egiten duten funtzionarioek eskabideko C atalean zehaztu beharko dute hori eta, horrez gain, baldintzatzen duten pertsonaren izen-abizenak eta IFZ ere adierazi behar dituzte. Beste funtzionarioaren eskaeraren fotokopia bat ere erantsi beharko dute. Lehiakideetako batek C apartatuan ezer adierazten ez badu, bi eskabideak ezeztatu egingo dira.

C apartatua betetzearekin ulertzen da abenduaren 7ko 1451/2005 Errege Dekretuak onartutako Justizia Administrazioaren zerbitzuko langile funtzionarioen sarrerari, lanpostuak betetzeari eta lanbide-sustapenari buruzko Erregelamenduaren 48.2 artikuluan aurreikusitako baldintzapeko eskaera egiten dela.

Seigarrena.– Lehiaketaren baremazioa.

1.– Alegatutako eta egiaztatutako merezimenduak baloratzeko, eskabideak aurkezteko epearen amaiera-data hartuko da kontuan.

2.– Merezimenduak baremo honen arabera ebaluatuko dira:

A) Antzinasuna, gehienez 60 puntu. Auzitegiko Medikuen Kidegoan zerbitzuak titular gisa emandako urte oso bakoitzeko 2 puntu emango dira. Urtera iristen ez diren aldiak proportzionalki zenbatuko dira, honela: eguneko 0,00555556. Hilabeteak 30 egun dituela joko da.

B) Euskara jakitea, ahoz eta idatziz, gehienez ere 12 puntu. Beste hizkuntza batzuk jakitea honela balioetsiko da:

1) B2 mailaren edo 2. hizkuntza-eskakizunaren egiaztagiria, edo titulu homologatuak: lau puntu.

2) C1 mailaren edo 3. hizkuntza-eskakizunaren egiaztagiria, edo titulu homologatuak: zortzi puntu.

3) C2 mailaren edo 4. hizkuntza-eskakizunaren egiaztagiria, edo titulu homologatuak: hamabi puntu.

Adierazitako jakite-maila hori behar bezala egiaztatu beharko da aurkeztutako tituluaren eta titulu horri dagokion mailaren ziurtagiri ofizialaren edo homologazioaren bitartez, eta horiek eskabideak aurkezteko epearen barruan entregatu beharko dira. Aurkezten diren dokumentuak –hizkuntzaren jakintza hori egiaztatzen dutenak– fotokopia konpultsatuak izango dira, eta baldintza hori betetzen ez dutenak ez dira balioetsiko.

Ziurtagiri horiek ez dira metatuko, eta, beraz, lehiakideak maila bat baino gehiagoko tituluak baditu, gorenekoa bakarrik balioetsiko da.

3.– Lehiaketa honek fase bakar bat izango du eta bertan balioetsiko dira baremoaren A) eta B) ataletan azaltzen diren merezimenduak.

Zazpigarrena.– Lanpostuen esleipena.

Lanpostuak esleitzeko lehentasun-hurrenkera deialdi honetako seigarren oinarrian ezarritako baremoen arabera lortzen den puntuazio osoak emango du.

Puntuazio osoan berdinketarik egonez gero –baita hizkuntza-ezagupenetan ere– lanpostua nori eman behar zaion erabakitzeke, kidegoan antzinasun handiena nork duen hartuko da aintzat, eta hala eta guztiz ere berdinketa badago, kidego horretan sartzeko hautaketa-prozesuan lortutako hurrenkera-zenbakia hartuko da kontuan (bertako hizkuntza eta zuzenbidea barne).

Zortzigarrena.– Esleitutako destinoen nondik norakoa.

1.– Lehiaketa honen ebazpenaren ondoriozko lekualdatzeak borondatezkoz hartuko dira Zerbitzuagatiko Kalte Ordainei buruzko maiatzaren 24ko 462/2002 Errege Dekretuan aurreikusitako ondorioetarako, eta, hortaz, ez dute inolako kalte-ordainik kobratzeko eskubiderik emango.

2.– Lanpostuari ezingo zaio uko egin, Justizia Administrazioaren zerbitzuko langile funtzionarioen sarrerari, lanpostuak betetzeari eta lanbide-sustapenari buruzko Erregelamenduaren 53. artikuluan araututakoaren arabera. Erregelamendua abenduaren 7ko 1451/2005 Errege Dekretuaren bidez onartu zen.

Bederatzigarrena.– Lehiaketaren ebazpena.

1.– Lehiaketa hau Justizia Ministerioak eta lehiaketarako deia egiten duen Eusko Jaurlaritzako Lan eta Justizia Sailak ebatziko dute, bata bestearekin koordinatuta. Ebazpena emateko epea eskabideak aurkezteko epea bukatu eta hurrengo egunetik sei hilabetekoa izango da.

2.– Ebazpenean datu hauek azalduko dira: destinoa eman zaien interesdunen jatorrizko lanpostua eta herria, funtzionario horien egoera administratiboa (zerbitzu aktiboan ez baldin badaude), eta funtzionario bakoitzari esleitu zaion lanpostua.

Hamargarrena.– Errekurtsoak.

Agindu honek administrazio-bideari bukaera ematen dio, eta, aurka egiteko, Administrazioarekiko Auzien Jurisdikzioa Arautzen duen Legearen arabera administrazioarekiko auzi-errekurtsoa jar daiteke Administrazioarekiko Auzien Vitoria-Gasteizko Epaitegian, agindua Estatuko Aldizkari Ofizialean edo Euskal Herriko Agintaritzaren Aldizkarian argitaratu eta hurrengo egunetik bi hilabeteko epean. Bestela, argitaratu eta hurrengo egunetik hilabeteko epean, aukerako berraztertze errekurtsoa jar dakiok Lan eta Justiziako sailburuari, Administrazio Publikoen Administrazio Prozedura Erkidearen urriaren 1eko 39/2015 Legearen 123. eta 124. artikuluek ezarritako moduan.

Vitoria-Gasteiz, 2018ko urriaren 25a.

Lan eta Justiziako sailburua,
MARÍA JESÚS CARMEN SAN JOSÉ LÓPEZ.

2018ko azaroaren 16a, ostirala

I. ERANSKINA

Hirugarren oinarriko 1. apartatua aplikatuz eska daitezkeen I. eranskin honetako lanpostuak

Hurrenkera zk.	Destino zentroa	Lanpostaren izena	Herria	Lurralde historikoa	Lanpostua	Zuzkidura	Plaza hutsak	Erresultak	Hizkuntza	Hizkuntza eskakizuna	Hizkuntza bereiztasunaren data
53	Bizkaiko Zuzendariordetza. Auzitegi Medikuntzako Euskal Erakundea	Orotariko auzitegi-medikua	Bilbao	Bizkaia	240001	10	S		Bai		
56	Bizkaiko Zuzendariordetza. Auzitegi Medikuntzako Euskal Erakundea	Orotariko auzitegi-medikua	Bilbao	Bizkaia	240001	14	S		Bai		
58	Bizkaiko Zuzendariordetza. Auzitegi Medikuntzako Euskal Erakundea	Orotariko auzitegi-medikua	Bilbao	Bizkaia	240001	18	S		Bai	3	2020-01-31
64	Bizkaiko Zuzendariordetza. Auzitegi Medikuntzako Euskal Erakundea	Orotariko auzitegi-medikua	Bilbao	Bizkaia	240001	23	S		Bai	3	2020-01-31
65	Bizkaiko Zuzendariordetza. Auzitegi Medikuntzako Euskal Erakundea	Orotariko auzitegi-medikua	Bilbao	Bizkaia	240001	24	S		Bai	3	2020-01-31
66	Gipuzkoako Zuzendariordetza. Auzitegi Medikuntzako Euskal Erakundea	Orotariko auzitegi-medikua	Donostia	Gipuzkoa	240001	3	S		Bai	3	2020-01-31
67	Gipuzkoako Zuzendariordetza. Auzitegi Medikuntzako Euskal Erakundea	Orotariko auzitegi-medikua	Donostia	Gipuzkoa	240001	5	S		Bai	3	2020-01-31
70	Gipuzkoako Zuzendariordetza. Auzitegi Medikuntzako Euskal Erakundea	Orotariko auzitegi-medikua	Donostia	Gipuzkoa	240001	8	S		Bai	3	2020-01-31